



## Equal Rights & Economic Justice

MSI ta e partido social laboral pa henter pueblo. Nos ideologia i nos vision ta basa riba ideologia social-democratico i socialista.

**Social Laboral:** Ningun progreso economico por tuma lugar, sin e aporte indispensable di labor. MSI ta pone interes di e clase trahado na prome lugar. Derechonan di e trahado ta wordo sirbi unicamente den un democracia berdadero. MSI ta lucha pa miho posicion huridico laboral pa asina crea bienestar stabil y duradero.

**Socialista:** Hopi hende ta confundi socialismo cu un dictatura y politiconan ta purba di gaña pueblo pa asina nan keda na mando y keda probecha di nos pueblo. Nos ta socialista pasobra nos ta lucha pa e derecho di igualdad y trato husto pa un y tur, manera ancla den e prome articulo di e constitucion di Aruba. No por tin discriminacion den ningun sentido y tur persona aki na Aruba tin derecho igual no opstante di diferencia di su clase social, religion, rasa o capacidad financiero. salud. MSI ta para pa e siguiente: Cambia e maneho di AZV y pone e ser humano central atrobe. No por keda fiha ariba cifranan anto lubida y negligia e ser humano. Introduci programanan di prevencion, tanto pa medio di informacion/educacion, pero tambe cuido y tratamiento. Nos meta mester ta pa mantene nos pueblo sano na lugar di busca cura. Mester soluciona e problematica di falta di personal na hospital y casnan di ansiano na unda necesidadnan medico ta presente. AZV hopi biaha ta paga pa otro instancianan (compania di seguro). Mester cobra e placa aki y combati actonan fraudulento di cualkier parti. Mester involvi activamente esnan cu ta traha den e sector aki y duna nan oportunidad real pa crese.

**HUSTICIA:** MSI ta di opinion cu henter comunidad tin e responsabilidad di combati criminalidad. Nos puntanan crucial ta: Primeramente elimina e problema di “choller” den centronan di cuidadnan y zonanan turistico. Esaki por wordo hasi cu leyman existente ! Introduci programanan inovativo di rehabilitacion. P.e. e asina jama “afkikken onder narcose” cu ta hasi posible pa hasi e curpa limpi di tur substancia adictivo pa despues trata e mente pa asina e individuo por reintegra den nos sociedad. Introduci un sistema di castigonan minimo halto cu solamente por wordo baha dor di e persona mes ora e ta participa na programanan di rehabilitacion. Asina nos comunidad ta keda realmente aliviada di e problema aki. Duna esnan cu ta traha den e sector aki nan balor atrobe. Cuminsa cu un ambiente di trabou sano. Introduci un periodo di dispensacion pa entrega tur arma di candela cu no ta registra na husticia sin persecucion penal. Tur esnan cu aworaki tin un arma di candela cu permiso, mester bolbe aplica pa un permiso. Ta dicidi den un periodo di tres luna si e permiso ta hustifica. Esan cu no ta haya un permiso mester entrega e arma. Castigonan minimo fuerte pa posesion di arma di candela despues e periodo di tres luna pa sigura seguridad di pueblo. MSI tambe ta boga pa mas polis/control visibel ariba

caya.

**GOBERNACION:** MSI ta insisti cu mester reforma henter nos sistema di democracia representativo y di gobernacion publico, pa uno cu ta acomoda participacion amplio di nos pueblo y consistentemente ta muestra poder y interes di nos pueblo. MSI ta bini cu iniciativanan pa: Baha salario di ministro y parlamentarionan. Subi edad di penshon di ministro (awor 50) y parlamentarionan (awor 45) te cu 60 aña y prohibi penshonan acumulativo di e dos penshona aki. Introduci un instituto di “defensor di pueblo”, (ombudsman) cu ta funciona independientemente pa asina combati abuso gubernamental contra nos pueblo. Eleccion separa pa parlamento y gobierno pa elimina e sistema anti-democratico di “stempelparlement”. Cambio di constitucion pa adapta (subi) e cantidad di asiento parlamentario segun cresemento di nos poblacion. Asina henter pueblo tin representacion real den nos organo mas halto. Si nos tuma e leynan existente di goberancian local di Hulanda, parlamento di Aruba mester tin aworaki 39 asiento! Esey ta significa cu e problema di restzetel ta wordo elimina y nunca mas nos lo conoce un memoria cu ta goberna/abusa un mayoria. Introduci un organo estatal independiente cu tarea y poder pa evalua y para cualquier nombramento di “ambtenaar” y entrego di proyecto na cualquier compania. Obliga parlamento y gobierno pa consulta pueblo oficialmente (referéndum) tocante leynan o decisionan impactante.

**Nos base ta e nucleo familiar** Si awe nos ta wak e resultado di 23 aña di gobernacion di nos pais, e unico conclusion husto ta cu tur gobernacionan te awe a faya barbaramente cu nos pueblo. Awe nos ta biba den un pais na unda hende tin miedo di pasa den caya grandi, pasobra tin “choller” na cada skina. Awe nos ta biba den un comunidad na unda nos hobennan ta forma gang pa falta di atencion i amor. Awe nos ta biba den un pais unda e ciudadano ta wardando riba su turno pa nan “joyride” su auto, pa cual e a traha duro y soda hopi pa por a cumpra. Awe nos ta biba den un comunidad na unda e nucleo familiar, cu pa decadanan tabata e base fuerte di nos pueblo, basicamente a wordo destrui. Apesar cu nos pais a pasa den di un desaroyo economico exceptional, solamente un grupo chikito a probecha realmente di e desaroyo aki. E gruponan aki ta yama comercio y politiconan cu nan asina yama “friends and family”. Na unda antes un salario tabata jega pa un famia biba di dje, awe hopi biaha ni dos salario ta jega. Ambos mayor tin cu traha cu tur su consecucionan, entre otro e falta di atencion pa e hobennan na cas. Hopi biaha nan ta traha warda, y no ta wak otro suficiente. E muchanan ta keda cu un otro familiar, o simplemente nan so na cas o riba caya. Resultado ta un mucha cu ta lanta sin un base familiar cu su balornan necesario. Un mucha cu ta siña riba caya, cu ta siña di locual e ta wak den pelicula, pasobra e ta busca un asina jama punto di referencia. E situacion aki, sin culpa ningun di e mayornan cu tambe ta hende cu ta lucha tur dia, a resulta den mas i mas separacion. Consecuencia di e manejo di e ultimo 23 aña ta bira mas bisto tur dia. Nos hobennan ta forma gang pa reemplaza e nucleo familiar, pa nan sinti nan mes parti di algo, nan ta arma nan mes, pasobra comunidad a jena nan cu miedo y nan tin como ehempel un sistema politico cu ta muestra nan cu bo mester conoce hende pa bo logra den bida y no un estudio o traha duro pa bo carera.

**SOCIAL:** Pa sociedad y economia recupera y progresa, ta absolutamente necesario pa trese estabilidad, confiansa y speransa atrobe pa e trahado y e famia na Aruba. E trahado y su famia mester tin e siguransa di entrada suficiente pa hiba un bida na un nivel aceptabel cu bista ariba un futuro miho. Pa e motivo aki nos ta para duro pa adapta entrada nominal di un famia promedio (dos mayor cu dos yiu) na Afl.40.000,= pa aña y .subi e salario

minimo di inmediato na Afl. 2.009,= pa luna (70% di e entrada nominal). Nos ta enfatisa y amplia e canasta basico y bin cu un control real di e prijsnan maximo stipula na e diferente establecimentonan (e.o. supermercado). BBO mester bira locual tabata su intencion: un impuesto pa e comerciante pa asina nan tambe paga nan parti na nos comunidad. Den practica aworaki e consumidor/pueblo so ta pag'e. Locual pa MSI ta inaceptabel.

**LABOR:** Reforma leyman laboral den un aplicacion practico pa mehora e posicion huridico y material di e trahado. Meta di MSI ta e.o. pa enforsa leyman y practicanan general pa un trato husto pa e clase trahado, specialmente pa e trahadonan mas vulnerable. Evita cu e ley di retiro ta wordo elimina y adapt'e pa e bira mas transparente y duna miho representacion na trahado pa sigura un trato husto. Mester introduci un fondo di garantia laboral. Pa asina e trahado no por wordo sorprende mas y keda sin entrada un dia pa otro na momento cu un compania ta lanta bai o bati bancarota. MSI ta boga pa reduci oranan di trabou den fase pa dentro di cinco aña jega na igualdad y uniformidad den labor di 40 ora pa siman. Esaki sin cu e ta afecta e entrada di e trahado. Mester mehora e control ariba aplicacion estricto di leyman laboral pa elimina e abuso laboral existente. Introduci ley di penshonan laboral general cu ta garantisa futuro entrada husto pa e trahado na momento di bai cu penshon.

**ENSEÑANSA:** Avanse y futuro di cada sociedad ta depende di enseñansa completo y continuo di henter su poblacion. Ultimo decenia nos gobernantenan a demonstra un negligencia incomprendible y bergonsoso relaciona cu enseñansa den su totalidad. Sin enseñansa un pueblo no por educa su mes, ta keda atras y ignorante y asina ta wordo manipula y abusa pa tanto e comerciante y gobernantenan. MSI ta duna prioridad na enseñansa y educacion cu ta involvi henter nos sociedad. MSI ta enfoca riba: Duna prioridad excepcional pa medio di exigi cu 8% di nos PNB ta wordo poni disponibel pa enseñansa. E minimo internacionalmente ta 6%, na Aruba cu dolor nos ta jega 4%. Duna e maestro su balor como educador atrobe y involvi directamente den tur desarroyo y uso di recursonan necesario pa jega atrobe na un nivel di enseñansa di calidad cu futuro. Biblioteca Nacional y su sucursalnan mester ta habri orarionan amplio y fin di siman y bira centro nan informativo y educativo pa henter nos pueblo.

**SALUBRIDAD:** MSI ta apoya e idea di aseguro medico general y ta sostene e principio di prevencion y responsabilidad personal pa propio salud. MSI ta para pa e siguiente: Cambia e maneho di AZV y pone e ser humano central atrobe. No por keda fiha ariba cifranan anto lubida y negligencia e ser humano. Introduci programanan di prevencion, tanto pa medio di informacion/educacion, pero tambe cuido y tratamiento. Nos meta mester ta pa mantene nos pueblo sano na lugar di busca cura. Mester soluciona e problematica di falta di personal na hospital y casnan di ansiano na unda necesidadnan medico ta presente. AZV hopi biaha ta paga pa otro instancianan (compania di seguro). Mester cobra e placa aki y combati actonan fraudulento di cualkier parti. Mester involvi activamente esnan cu ta traha den e sector aki y duna nan oportunidad real pa crese.